

SAOPŠTENJE ZA MEDIJE

Širenje prodajne mreže

Nova dm prodavnica otvorena u Brčkom

Udruženju „Beba više“ uručena donacija u vrijednosti od 5.000 KM

Brčko, 8.12.2022. – Brčko je od danas bogatije za još jednu dm prodavnicu! Uz brojne pogodnosti i iznenađenja za kupce, u Brčko City Parku, na adresi Bijeljinska bb, otvorena je nova, druga u ovom gradu, dm prodavnica. U ugodnom ambijentu moderno opremljenog prodajnog prostora kupci mogu potražiti željene proizvode iz bogatog dm asortimana za cijelu porodicu, od onih iz segmenta njege i ljepote, zdrave ishrane, proizvoda za održavanje higijene domaćinstva do proizvoda iz asortimana za bebe i djecu.

Brojna iznenađenja za kupce i popust od 15% na ukupnu kupovinu

Već od devet sati ujutro prvi kupci mogli su uživati u brojnim pogodnostima i iznenađenjima koje je za njih, povodom širenja prodajne mreže, pripremio najveći drogerijski lanac u BiH. Svi koji su danas obavili kupovinu u novootvorenoj dm prodavnici u Brčkom ostvarili su popust od 15% na ukupnu kupovinu, a ova pogodnost traje i naredna dva dana, odnosno do 10.12.2022. Za svaku obavljenу kupovinu dm je danas darivao ceker, dok je sve kupce čiji je iznos računa bio 30 KM ili više na kasi čekao mali znak pažnje. Kupcima s iznosom računa od 60 KM ili više dm je darovao peškir.

Podrška parovima koji se bore sa sterilitetom

Početak rada nove dm prodavnice u Brčkom ova kompanija obilježila je i društveno odgovornim djelovanjem u zajednici, uručivši donaciju u vrijednosti od 5.000 KM lokalnom Udruženju „Beba više“, koje pruža podršku parovima koji ne uspijevaju na prirodan način da se ostvare kao roditelji. Udruženje djeluje od 2013. godine i do danas uspjelo je značajno uticati na izmjene Pravilnika Fonda zdravstvenog osiguranja Brčko Distrikta, izborivši se da se, umjesto jednog, finansira pet postupaka po paru te da se pomjeri starosna granica za žene koje se upućuju na postupak potpomognute oplodnje, čime su obuhvaćene sve žene do navršene 45. godine života.

„Ponosni smo što imamo više od 30 beba rođenih zahvaljujući postupcima vantjelesne oplodnje, čime su brojni parovi uspjeli ostvariti roditeljstvo i doživjeti sreću koje ono donosi. Brojimo 100 članova i s obzirom da raste broj parova koji se suočavaju sa izazovom da prirodnim putem postanu roditelji, planiramo pripremu magazina „Beba više“ koji će tematizirati problematiku neplodnosti i roditeljstva. Donaciju od kompanije dm ćemo iskoristiti za pokrivanje troškova štampanja magazina koji će biti besplatan”, izjavio je Željko Lazarević, predsjednik Udruženja „Beba više“, zahvalivši se dm kompaniji na donaciji.

U ime kompanije dm, donaciju je uručila Lejla Andrić, menadžerica prodajnog područja, podsjetivši kako svaki poslovni rast dm već tradicionalno obilježava pružajući podršku lokalnoj zajednici. **„Želja**



nam je da današnjom donacijom Udruženju „Beba više“ sudjelujemo u podizanju svijesti javnosti o problemu neplodnosti te pružimo podršku izdavanju stručnog časopisa u kojima će se naći odgovori na brojna pitanja s kojima se parovi susreću prije ulaska u proces potpomognute oplodnje ali i tokom same procedure“, izjavila je te dodala: „Izuzetno nam je drago što smo prodajnu mrežu proširili za još jednu prodavnicu u Brčkom: Sada imamo 85 prodavnica u prodajnoj mreži i time smo bogati asortiman naših dm proizvoda učinili još dostupnijim njegovim građanima. Naše kupce i u narednom periodu očekuje široka paleta proizvoda dostupnih po UVIJEKPOVOLJNO cijenama, ali i brojne pogodnosti koje ostvaruju uz dm active beauty program lojalnosti i digitalnu karticu, ali i novu 'Moj dm' aplikaciju.“

Vrijedna nagradna igra do 15.12.2022.

Narednih osam dana, tačnije do 15.12.2022. kupci mogu sudjelovati i u nagradnoj igri, u kojoj najsretniji mogu osvojiti vrijedne nagrade. Prva nagrada je Gorenje frižider Side by Side, druga nagrada je mobitel Xiaomi Redmi 9c, dok preostali fond nagrada čini 10 dm poklon kartica u vrijednosti od po 50 KM.

Radno vrijeme nove dm prodavnice u Brčkom, na adresi Bijeljinska bb, je od ponedjeljka do subote od 9:00 do 21:00 sat, nedjeljom od 10:00 do 18:00 sati dok je za vrijeme praznika prodavnica zatvorena.



Više informacija o dm drogerie markt d.o.o.

dm je na bosanskohercegovačkom tržištu prisutan od juna 2006. kada je otvorena prva dm prodavnica u sarajevskom naselju Dobrinja. Za 16 godina dm se pozicionirao kao vodeća kompanija u kategoriji drogerija sa više od 1.000 zaposlenika i 85 prodavnica u 45 gradova te distribucijskim centrom u Sarajevu. U poslovnoj godini 2021/22. dm je u Bosni i Hercegovini ostvario promet od blizu 273 miliona KM. Asortiman dm-a obuhvata više od 14.400 proizvoda etabliranih svjetskih i domaćih proizvođača, među kojima je 28 dm robnih marki kao što su Balea, alverde, Mivolis, trend !t up, Denkmit, babylove, dmBio i druge. U cjelokupnom asortimanu posebno mjesto zauzimaju organska hrana, prirodna kozmetika i ekološki prihvatljivi proizvodi.

Saopštenja za javnost na raspolaganju su Vam na <https://www.dm-drogeriemarkt.ba/pr-i-mediji/saopstenja-za-medije>, a arhiva fotografija na <https://www.dm-drogeriemarkt.ba/pr-i-mediji/fotografije-za-medije>.

Za više informacija molimo Vas kontaktirajte:

Ajla Hadžić, menadžer Marketinga, dm drogerie markt d.o.o.

Tel: 033/778-300, e-mail: ajla.hadzic@dm-drogeriemarkt.ba

Alena Kulenović - Delić, PR Director, agencija McCann

Tel: 033/267-121, e-mail: alena.kulenovic@mccann.ba